

E SLOBODIA SAKONESKI ANDO SVEDO

Ando svedo si sakones slobodia te avel avri ande natura, vi pe e puo kai si privato. Ame akaras kadja djela e slobodia sakoneski (allemansrätten). Kodjia si e liberta kai truobol te les sama le vorbensa Na asba - ai na rimosar. Mai tele sai jines pa o allemansrätten skuorto. Informatzia vorba pala vorba si pa e slobodia sakoneski po svedisko, inglesisko ai njamsisko ande e patrin le khereski (hemsida) katar o Naturvårdsverket (O kher katar e natura) www.naturvardsverket.se Si vi texto mai skuorto pa o allemansrätten po svedisko vuoshoro. Si vi tjine knishki svedisko, inglesisko ai njamsisko kompleto informatzia pa o allemansrätten.

Jha, pe bisikla ai po grahs

Truobol te jhas telal, pe bisikla, vai po grahs ande natura. Ma privato phov kai bariaren ai phov bariarimaski pe kodola riga nai slobodo te aven. E bar si e rig mai pashe pasha kher kai beshen narodo kai si lenge slobodo te avenle trankilo ande lengi bar. Tuo mosai te pandaves le baria pala tuote te jhasa exemplo pa e tjar kai xhan le jigenji (djur). Na jha pe bisikla vai po grahs pe le tjinore droma kovle vai phov kai si rimome. Na jha po grahs vi kai nashen le manuosh vai kai jhan po drom kai jhan pel ski ivende.

Matori ai kaver vurdona motorosa pel droma privati

Nai slobodo te traden matorasa, bisikleta motorosa, mobileta ai kaver vurdona motorosa pe e phov kai si sar mal vai kinpo. E mal si sa phov katar e natura. vi dromora, dromora pirimaske ai nashimaski. (Slobodo te tradelpe skoter ivendesko ferdi te na avela riskio te pagen anda o vesh vai pe phov telal o iv. Ande uni riga nai slobodo te tradelpe skoter ivesko, vai moken ferdi po drom kai nakel o skoter.) Sai avel vi ke nai slobodo te trades vurdon motorosa uni droma/droma kai si privato. Kodolendar droma si ramome pe jek plaka kai ramol ke nai slobodo te traden pa kado drom. Ma sai piren vai te traden bisikla pel le droma kai si privato.



Chera tai kampina

Sai anzares e chera jek vai dui jes ande natura. Te kames mai buot te beches vai pashe pasha jek kher trobol te pochos te si tuoke slobodo katar o xajaino la phoviako. Ai poch te si tuoke slobodo mai anglal sar te tos tji kampina vai tjiri matorakampinasa (husbil) pe jek drom kai si pesko/ vai privatodrom. Nai slobodo te tradelpe matorakampinasa (husbil) vai kampinasa pe mal, exemplo po pai kai tjishai vai kimpo.

Po pai

Sai trades paraxodo, vai te achados pe jek skorto vriama, te anklies pe phov vai te naios ande le paija, ferdi tena pashe pasha khera bechimaske. Observisar ke si riga kai si le tjiriklia arakade ai vi kaver riga kai nai slobodo te aves ando pai vai te jhas pe e phov. Kodola riga si ramome plakasa.



Te astares mashe

Sai astares mashe lovensa vai bi lovengo rajasa ashadi, vai rajasa kai shodes ai vi kaver jeli ajutimaske pel paia le dromesa ai ande le svedoske panz paia le mai bare. Te astares mashe pel kaver paia trobol te aveltu karta kai si slobodo te astares masho. Te astares masho libero buochol ke nai tuoke slobodo te astare varekai nai slobodo te astares sitasa, angelfiske, trolling ai dragrodd. ai vi nai slobodo te astares o lakso po pai le dromesa katar o norrland.

Jhokel ai te astares vai te modares jigenji

Meken le jigenjenge kuiboria ai lenge glaten miro. Te dokaves vai te amis tuo kai le jigenji (djur) nai tuoke slobodo. Tji jek jokhel nai slobodo te nashen korkoro bi phangle ande e natura de katar o 1 marso ji kai o 20 augusti kana si le jigenjen lenge galti. Vi kaver vriama trobol mosai te lepe sama katar o jokhel kana si ande e natura. Ande buot thana kai si malia ai pel paia po kargården si normal ke o jokhel si astardo.

Jhag

Buotivar po milai nai slobodo te keres jhag. Antuontji sako jhag puoterdi nai slobodo – vi kote kai si lashardo te keres jhag. Te nitji si slobodo te keres jhag ma te lesto juorales sama. Modar vorta e jhag! Na ker jhag chora ando plai- plesnil ai pharadjol!

Frukti, bureschi ai lologia

Slobodo tuoke te tjides vildabär tai bureschi, ai lologia kai nai arakade. Ma nai slobodo te shines kash vai buox, te pages kashtore vai krangosuri, (kvistar) vastensa vai kaver fialo te rimos jek proing kai bariol.

Le tuosa o gunoi!

Nai slobodo te sjudes vai te mekes mel avrial o kher. Pharade vojegi, buotelialuminieoske, (burkar) plastiko, tava masheske ai kaver mel kai juongarel ai rimol e esperiansa katar e natura. Sai vi dukavel manuoches ai vi jigenjien.

Arakadi natura la krisasa

Ande e kris la naturaki sar parkori national sar reservatori naturake si uni regli kai ashavel o allemansrätten. Sai avel vi regli lokal ande e buotji pal le malia vai kinpori. Kado si o simbolo katar e kris pe e arakadi natura.



Mai buot informatzia

Te kamesa mai buot informatzia pa soste si e buotji sai mai anglal te jhas kai tjiro komuno.